



Universidade de Vigo

## PROGRAMA DE BOLSAS PRÁCTICAS “FUNDACIÓN ONCE-CRUE” PARA ALUMNADO UNIVERSITARIO CON DISCAPACIDADE Convocatoria 2018-2019 Universidade de Vigo

### 1. OBXECTO

A Universidade de Vigo e a Fundación ONCE convoca en réxime de concorrência competitiva **8 bolsas**, co obxectivo de facilitar o desenvolvemento de **prácticas académicas externas dirixidas a alumnado universitario con discapacidade** promovendo así a mellora da súa empregabilidade e futuro profesional.

O réxime desta convocatoria axústase ao previsto no Convenio marco de 24 de xullo de 2017, establecido entre a Fundación ONCE e a Conferencia de Rectores das Universidades Españolas (CRUE), así como no Real Decreto 592/2014, de 11 de xullo, polo que se regulan as prácticas académicas externas dos estudantes universitarios e no vixente Regulamento sobre prácticas académicas externas da Universidade de Vigo.

As prácticas académicas externas poderán ser desenvolvidas en grandes empresas, PyMES, microempresas, empresas de economía social, entidades do terceiro sector e outras institucións públicas e privadas.

### 2. REQUISITOS DE PARTICIPACIÓN

- Ter unha discapacidade recoñecida igual ou superior ao 33%
- Estar matriculado/a na Universidade de Vigo en titulacións oficiais de GRAO e MASTER no curso 2018/2019.
- No caso de estudos de Grao ter superados o 50% dos créditos totais do plan de estudos.
- Non ter sido bolseiro/a neste mesmo Programa en convocatorias anteriores excepto naqueles casos nos que polo seu perfil requiran de outro período de prácticas para un óptimo desenrolo das súas competencias profesionais, de acordo co criterio da Universidade.

### 3. INCOMPATIBILIDADES

A bolsa é incompatible coa existencia de relación contractual de tipo laboral, de prestación de servizos ou asimilable con empresa, institución ou entidade algunha no momento de desenvolvemento das prácticas.

A percepción da bolsa será compatible con outra axuda que o estudante poida obter da empresa ou de calquera entidade ou institución, e con unha posible pensión contributiva ou non, nos termos establecidos legalmente.

### 4. PERÍODO DE REALIZACIÓN E DURACIÓN DAS BOLSAS

As prácticas terán unha duración de **3 meses consecutivos**, entre o 1 de febreiro e o 31 de decembro de 2019. Poderán ampliarse a 6 meses se a empresa de acollida se compromete a



abonar a mesma ou superior axuda mensual e correndo co custo das obrigas tributarias e coa seguridade social.

O horario será de **25 horas semanais** e será pactado entre a empresa e a persoa beneficiaria da bolsa, respectando en todo caso a actividades académica formativa do alumnado.

As prácticas estarán suxeitas ao establecido na normativa de prácticas da Universidade.

## 5. DOTACIÓN E PAGAMENTO

O importe da bolsa ascende a **600 € euros brutos mensuais nos que se inclúe a cantidade precisa para o cumprimento das obrigas existentes en materia fiscal e coa seguridade social.**

O importe total desta acción ascende a un máximo de 14.400 € (a expensas do incremento aplicado a cota patronal do ano 2019), con cargo a aplicación orzamentaria 2019 0000 121D 482.11 (13.450 € pola dotación bruta das bolsas e 950 € en concepto de cota patronal), e por tratarse dun expediente de tramitación anticipada a contía máxima estimada queda condicionada á existencia de crédito adecuado e suficiente no momento da concesión.

A Universidade recibirá da Fundación ONCE a dotación económica correspondente ao alumnado beneficiario da bolsa. O programa está cofinanciado polo Fondo Social Europeo no marco do Programa Operativo de Inclusión Social e Economía Social 2014-2020.

O pagamento farase por meses vencidos. No caso de que non chegara a completarse o período da bolsa só será aboada a contía proporcional de bolsa correspondente ao período realizado, sempre e cando este sexa superior a 7 días; en caso contrario non se percibirá axuda algunha.

Se a interrupción é por causa xustificada e de forza maior poderá interromperse o período de prácticas polo tempo necesario, retomando a actividade ata completar o período de tres meses con data límite o 31 de decembro de 2019. A suspensión supón a interrupción automática do pagamento da bolsa ata que finalice a suspensión.

## 6. PRESENTACIÓN DE SOLICITUDES E DOCUMENTACIÓN

As persoas solicitantes deberán cubrir o formulario electrónico na web <http://becas.fundaciononce.es/Paginas/BecasPracticasOnceCrue.aspx> e subir a plataforma a seguinte documentación:

- currículo,
- certificado de discapacidade,
- certificado académico da titulación de grao coa nota media calculada sobre 10.

Tamén se lles poderá requirir que acheguen outra documentación que sexa necesaria para a adxudicación da bolsa.

O prazo de presentación de solicitudes finaliza o **17 de decembro de 2018**.

Os datos persoais recollidos na solicitude serán tratados pola Universidade de Vigo para a xestión da formación. O responsable do tratamento destes datos é a Universidade de Vigo diante da que se exercerán os dereitos de acceso, rectificación, supresión, limitación do tratamento, oposición ou portabilidade dos datos.

## 7. SELECCIÓN E RESOLUCIÓN

A xestión administrativa das bolsas levarase a cabo polo Sección de Axudas e Bolsas da universidade en coordinación coa Área de Emprego e o Servizo de Extensión Universitaria.



A selección será efectuada pola Comisión de selección de acordo cos seguintes criterios:

- Nota media do expediente académico calculada segundo o disposto no protocolo do Sistema Universitario Galego establecido na Resolución de 15 de setembro de 2011 (DOG do 30 de setembro)
- Adecuación ao perfil solicitado na oferta por parte da empresa
- Méritos do currículo

Terán prioridade os estudantes de último curso da titulación de Grao e os estudantes de Máster. Excepcionalmente se existen vacantes poderán ser bolseiros alumnos/as de outras edicións, que polo seu perfil requiran de outro período de prácticas par un óptimo desenrolo das súas competencias profesionais, sempre que sexa xustificado pola propia universidade.

A Comisión de selección está composta por:

Presidenta: Natalia Caparrini Marín, vicerreitora de captación de alumnado, estudantes e extensión universitaria

Vogais: M. Isabel Doval Ruíz, vicerreitora de Responsabilidade Social, Igualdade e Cooperación  
Alejandro Martínez Gómez, director da Área de Emprego e Emprendemento

Ricardo Corderí Salgado, xefe do Servizo de Extensión Universitaria

Rosa Graña Costas, xefa do Servizo de Axudas ao Estudo, Bolsas e Prezos Públicos

Efectuada a selección pola Comisión, esta enviará as entidades colaboradoras unha lista de persoas candidatas ordenadas segundo a súa prioridade e idoneidade. Aceptada a proposta pola entidade colaboradora a Sección de Axudas e Bolsas publicará a **listaxe provisoria de persoas con bolsa concedida, denegada** coa mención da causa de denegación, e a **listaxe de agarda** para o caso de existir renuncias ou novo reparto por existencia de vacantes noutras universidades de acordo co establecido no convenio de colaboración.

As persoas interesadas poderán presentar alegacións no prazo de **cinco días hábiles**, contados dende o día seguinte a publicación, presentando o formulario de alegacións, dirixido á Sección de Axudas e Bolsas a través dos rexistros da Universidade.

Revisadas as alegacións pola Comisión a Sección de Axudas e Bolsas elevará a proposta de **Resolución Reitoral definitiva de persoas con bolsa concedida, denegada coas causas de denegación e a listaxe de agarda** á Vicerreitoría de Captación de Alumnado, Estudantes e Extensión Universitaria para a súa publicación.

Contra esta resolución, que esgota a vía administrativa, as persoas interesadas poderán interpoñer un recurso potestativo de reposición ante o/a reitor/a no prazo dun mes contado a partir do día seguinte á publicación da presente resolución, ou ben directamente un recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia, no prazo de dous meses contados dende o día seguinte á súa publicación, de conformidade co artigo 46 da Lei 29/1998, do 13 de xullo, reguladora da xurisdición contencioso administrativa.

Todas as resolucións ás que se refire este punto publicaranse nos taboleiros dos rexistros da Universidade de Vigo, e no [Portal de bolsas](#) da Universidade.

Poderán realizarse as comunicacións individuais que resulten necesarias ao correo electrónico sinalado na solicitude, sen que estas teñan a consideración de notificación.



## 8. RENUNCIA

Cada bolseiro/a presentarse no lugar e na hora indicada na resolución definitiva. No caso de que a persoa beneficiaria non se presente, entenderase que renuncia á bolsa.

A renuncia voluntaria unha vez iniciada a bolsa farase por escrito e será comunicada á Sección de Axudas e Bolsas cun mínimo de 15 días de antelación á data en que se fará efectiva a renuncia. A renuncia dará lugar á perda dos dereitos económicos correspondentes á parte da bolsa non realizada.

No caso de existir listaxe de agarda a bolsa será adxudicada á seguinte persoa da listaxe nos termos establecidos nesta convocatoria.

## 9. OBRIGAS

Son obrigas das persoas bolseiras:

- Realizar, a actividade formativa e o plan formativo conforme ao establecido na convocatoria.
- Estar matriculada na Universidade de Vigo durante todo o período de duración da bolsa.
- Presentar na Sección de Bolsas e Axudas ao Estudo, dentro do mes seguinte á finalización da bolsa, unha memoria final das actividades realizadas durante todo o período da bolsa.
- Cumprir as obrigas recollidas no artigo 14.1 da lei 38/2013, de 17 de novembro, Xeral de subvencións, que lles sexa de aplicación.

## 10. REVISIÓN E REINTEGRO DAS BOLSAS

Son causas de reintegro destas axudas:

- Non cumprir os requisitos e obrigas recollidas na convocatoria.
- A ocultación de datos, alteralos ou manipular a información solicitada.
- Incurrir nalgunha das causas de incompatibilidade establecidas nesta convocatoria.

A persoa beneficiaria que incorra nalgunha destas causas, está obrigada a reintegrar á Universidade a cantidade indebidamente percibida

Contra esta resolución, que esgota a vía administrativa, as persoas interesadas poderán interpoñer un recurso potestativo de reposición ante o/a reitor/a no prazo dun mes contado a partir do día seguinte á publicación da presente resolución, ou ben directamente un recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia, no prazo de dous meses contados dende o día seguinte á súa publicación, de conformidade co artigo 46 da Lei 29/1998, do 13 de xullo, reguladora da xurisdición contencioso administrativa.

Vigo, 14 de novembro de 2018

O reitor

Por delegación RR 21/06/2018 (DOG 28/06/2018)

A vicerreitora de captación de alumnado,  
estudantes e extensión universitaria,

CAPARRINI  
MARIN  
NATALIA - DNI  
07495097H

Firmado  
digitalmente por  
CAPARRINI MARIN  
NATALIA - DNI  
07495097H  
Fecha: 2018.11.14  
12:53:23 +01'00'

Dilixencia para facer constar que esta  
resolución se publica no taboleiro de anuncios  
do Rexistro Xeral da Universidade de Vigo .

A xefa de Área de Bolsas,

FANDIÑO  
PEREZ MARIA  
PURIFICACION -  
DNI 78732622B

Firmado digitalmente por FANDIÑO PEREZ MARIA PURIFICACION - DNI 78732622B  
Nombre de reconocimiento (DN): cn=ES,  
ou=UNIVERSIDAD DE VIGO, ou=CERTIFICADO  
ELECTRONICO DE EMPLEADO PUBLICO,  
ou=SERVIDO DE AXUDAS AO ESTUDO BOLSAS  
E PREZOS PUBLICOS,  
serialNumber=ECES-78732622B, ou=FANDIÑO  
PEREZ MARIA PURIFICACION -  
DNI 78732622B  
Fecha: 2018.11.14 13:12:02 +01'00'

